


آذربایجانین گۆرکملی موباریز شاعری- " قافلانتي"- آرامیزدان کۆچدو



پنجشنبه گونو آبان آپی نین 15 - نده، آذربایجانین تانییمیش موباریز شاعری مرادعلی قریشی(قافلانتي) تهرانین شهیدای یافت آباد خسته خاناسیندا دونیادان گۆز بومدو. ساھر ادبی- مدنی درنه بی نین دگرلی عضو و آغ ساققالی بیر هفته بوندان اۇنجه "بنین اینفانکتی" ائتمیشدیر. اوستاد قافلانتي آرامیزدان کۆچنده 72 یاشینی پاشاییردی. او 1312-نجی گونش ایلینده چارویماق ماحالی نین حیدرآباد کندینده دنیا گۆز آچمیش، آذربایجاندا میللی- دئموکراتیک نهضت قانا چکیلندن سونرا عائله سیله بیرلیکده کندن چیخاریلیر و 13 یاشیندا ایکن بوتون عائله عصولریله باشقا بیر کنده کۆچوب، اورادا ایسه یئنه ده نهضتین دوشمنلری نین آزار- اذیت لری نه معروض قالیرلار و مجبوری اولاراق بیر چوخ آذربایجانلی لار کیمی تهرانا کۆچورلر. اونون عائله سی نین معیشت طرزی تهراندا چوخ آغیر کنجیر و بو معیشتین آغیرلیغی اونو تحصیلدن محروم و چۆرک چیخارتماق اوچون فعله لیک ائتمه یه مجبور ائدیر. قافلانتي عۆمرونون سونونا قدر بیر زحمتکش اینسان و موباریز شاعر کیمی اۆز اولدو- آلاولو قلمی له وطن حیثیتیندن، خالق حۆرمتیندن و زحمت آداملاری نین پاک سیمالاریندان محافظه ائتمه یی و طولمون بوتون چیرکین لیگی ایله ووروشماغی اۆزونه بورج ساییر. شعرلرینی طولم و یابانجی لارین علیهنه قیلینجا چئویریر. اللینجی ایل لرده تهراندا فعالیت گۆسترن "دوستلار گۆروشو" درنه بی نین فعال عضو کیمی چیخیش ائدیر. اینقیلابدان سونرا تهراندا "آذربایجان یازیچیلار و شاعرلر جمعیتی" نین قوروجولاریندان اولور. اثرلری یولداش، آزادلیق، اینقیلاب پولوندا، یئنی یول، فروغ آزادی، امید زنجان، عصر آزادی، مهد آزادی، آذری و خدافین کیمی دۆرو مطبوعاتدا و عینی حالدا شیمالی آذربایجانین غزئت و ژورنال لاریندا یاییلیر. بونلاردان علاوه بیر سیرا اثرلرینی احتوا ائدن کیتابلاری دا چاپ اولور. او جومله دن: (سنجیلمیش اثرلر- 1358)، (مجموعه- 1358)، (عۆمور ایناسی- 1369). سون ایلاردا اوستاد قافلانتي اۆز خاطیره لری اوزه رینده ایشله بیر و یئنی سنجیلمیش اثرلرینی یایماغا چالیشیردی کی اؤلوم امان وئرمه دی. اوستاد قافلانتي نین جنازه سی جوما گونو ساعات 11 ده تهرانین جنوب حیصه سینده یئرله شن یافت آبادین مزارلیغیندا توریاغا تاپشیریلماق. بیز اوستادین مزاری اوستونده بیر داها اونون شرفلی خاطیره سیندی عزیزله یه رک، اونون وطنپرورلی یینی، خالق سئورلی یینی و بشری ایده آلارینی قوروماغا سۆز وئره جه بییک. عشق اولسون آذربایجان خالقی نین موباریز اوغلو، زحمتکش اینسان و اولولو قلم صاحبی اوستاد قافلانتي نین ابدی خاطیره سینه!

ساهر ادبی- مدنی درنه بی ، صابر ادبی انجومنی ، نباتی ادبی انجومنی ، قاراداغ ادبی انجومنی ، چنلی تئل ادبی انجومنی، آذربایجان ایشیق گنج لری

XXXXXXXXXX

شاعر و یازیچي دوستلاری:

یحیی شیدا- بهزاد بهزادی- هاشم ترلان- امین مؤید- سعید منیری- علیایی- حبیب فرشباغ- عاشیق حسن اسکندری- مظفر درفشی- سلیمان ثالث- ناصر داوران- حسن ایلدیریم- هریرلی- عمران صلاحی- احمد پوری- نریمان ناظم- عزیز محسنی- مهدی پناهی- کریم قربانزاده- مرتضی مجدفر- چای اوغلو- روشن خیایوی- ائل اوغلو- حسین شرقی- میر هدایت حصاری- سؤنمز- علیرضا میانالی- صادق تورک- ائلدار موغانلی- م. وطن- حمید آرش آزاد- چاپار- یانار اردبیلی- رحیم کاویان- سنل اوغلو- ساپلاق- ممدلی- شبسترلی- عدالت امی- درداوغلو- صمد چایلی- شهرک- ذولفقار کمالی- گولدورلو ولی- سعید قافلان- ارشد نظری- محمد پویان- نسیم- ایشیق- گونش مردلی- باهار صالحی- بصیر- رضا اینگی- محمدرضا کریمی- ناظرشرفخانه ای- جمشید شیبانی- مسعود آذر- حسینی- سولغون آذری- عبدالله یالچین- حسن اۆزگور- آذر اتللی- بورچالی و

عائیله لر:

صفرخان قهرمانی- اوستاد گنجعلی صباحی- اوستاد احمد شایا (آلو)- لطفی- زنده دل- اسداللهی- فیضی- اکبری- محمدی- ایمانی- رسولزاده- شکرگدار- سپهری- داوران- متولی- عظیمی- حسن نژاد- قلی نژاد- آروینی- جعفرزاده- یعقوبی- قبری- گرجانی- تبریزی- چوپان- پزشکی- مجد- ثانی- علیپور و ...

عۇمور آيناسی

وطنیمین وورغونویام، یاییلیدیر هر یانا،
سسیم دوشوب باشدان باشا داغا، داشا، آرانا،
آند ایچیرم چیخاقدیر ائلیم آزاد دورانا،
اچاقدیر وطنیمده چیچک دئدیم، گول دئدیم،
سینه گردیم، سۆزلریمی بمر دئمه دیم، زیل دئدیم.

یاد ائل لیلر جان آتدیلار وارلیغیمی دانماغا،
شانلی آنا تورپاغیمدا منی اۆزگه سانماغا،
قانمادیلار، یارانمیشام ائل اوغروندا یانماغا،
باغلامیشام جسارتلی ائل لریمه بئل، دئدیم،
سینه گردیم، سۆزلریمی بمر دئمه دیم، زیل دئدیم.

ائل لریمه ظلم ائتدیلر اوتانمادان آشکارا،
سینم اوسته چالین- چارپاز وورسالاردا مین بارا،
آگیلمه دیم حیاتیمدا بیر ائلیق دا یادلارا،
اینانمیشام اولاجاقدیر ائلین گوجو سئل دئدیم،
سینه گردیم، سۆزلریمی بمر دئمه دیم، زیل دئدیم.

غربت ائلده دائیم توتدوم اۆز ائلیمین سوراغین،
سۆندورمه دیم اوره ییمده وطنیمین چیراغین،
قلم چالیب، بوزوشدوردوم دارگۆزلونون دوداغین،
سارسیلمازام عملیمدن بیلمه ییسیسن بیل، دئدیم،
سینه گردیم، سۆزلریمی بمر دئمه دیم، زیل دئدیم.

آدلی- سانلی ائلیم واردیر، دئدیم- سانما من تکم،
نسیمی یم، کوراوغلو یام، خان ائیوازام، بابکم،
هئج اولماییب، اولمایاچاق مسلکیمدن ال چکم،
بیر منه باخ، یاخشینی تانی، گۆزلرینی سیل- دئدیم،
سینه گردیم، سۆزلریمی بمر دئمه دیم، زیل دئدیم.

من اۆزومو یاد ائل لره قاتمامیشام، قاتمارام،
وارلیغیمی قارا پولا ساتمامیشام، ساتمارام،
وطنیمی گۆزلریمدن آتامامیشام، آتامارام،
بیر گوند ده یوخ، بیر آیدا یوخ، نئچه- نئچه ایل دئدیم،
سینه گردیم، سۆزلریمی بمر دئمه دیم، زیل دئدیم.

آلفیشلادیم حقیقتی آنانلارین عشقینی،
یئر اوزونده ائل دردینی قانانلارین عشقینی،
الی قاپار، آلی آچیق اینسانلارین عشقینی،
نغمه قوشدوم، ایللر بویو وطن دئدیم، دیل دئدیم،
سینه گردیم، سۆزلریمی بمر دئمه دیم، زیل دئدیم.

یازدیقلاریم حیاتیمین آیناسی دیر آی ائل لر!
عۇمور بویو حق اوستونده سالدیم هارای آی ائل لر!
اولمایاچاق مظلوملارین حقی داها زای، ائل لر!
سانجیلاچاق ظالیملرین گۆزلرینه میل، دئدیم،
سینه گردیم، سۆزلریمی بمر دئمه دیم، زیل دئدیم.

دوشمانلار عالم- آشکار آچی زهر دئسمده،
سۆزلریمده عۇمور بویو بوندان بتر دئسمده،
بورولماییب، گنجه- گوندوز، آخشام- سحر دئسمده،
"قافلانتی" یام ائل لریمه شیرین- شیرین دیل دئدیم،
سینه گردیم، سۆزلریمی بمر دئمه دیم، زیل دئدیم.